

**Der Ehrwürdigen/
 Hoch vnd Wolgelehrten Herren/
 Johannis Brentij vnd anderer im zuge-
 ordenten Theologen vonn der Rechts-
 fertigung des Menschen/ CONFES-
 SION vnd DECLARATION,**

**Wie sie dem Durch-
 lächtigsten Hochgebornen Fürsten
 vnd HERREN/Herrn Albrechten dem
 Aeltern/Marggraffen zu Branden-
 burg/inn Preussen ic. Herzog-
 gen ic. zugeschickt seind
 worden/Anno 1553.
 Mense Aprili,**

**Bedruckt zu Königs-
 berg in Preussen durch Johann
 Daubman/ Anno 1554. den
 27. Septembris.**



[Faint, illegible text, likely bleed-through from the reverse side of the page.]

[Faint, illegible text, likely bleed-through from the reverse side of the page.]

Pol. 6. 11. 923 vol. 11

[Faint, illegible text, likely bleed-through from the reverse side of the page.]



819515

Bekendnis des
Glaubens vnd der Lehre/
Von der Rechtfertigung
des Menschen.

Wir glauben I. Gene. 1.
Ephe. 4.
ben/ Bekennen vñ
Lehren/ Das Gott im
anfang den Menschen zu seinem Bild/
nus vnd gleichnus erschaffen / vnd in
mit dem heiligen Geyst / auch mit rech/
ter Weisheyt / Frömikeyt / Gerechtig/
keyt / vnd allerley Göttlichen gütern
vnd tugenden / begabt vñ gezieret hat.

Vnd so der Mensch inn die Sünde I. Cor. 15.
I. Thes. 4.
4. Reg. 2.
nicht gefallen were / so würde er nin/
mermehr gestorben / sondern sein zeyt
hie auff Erden / in dem leiblichen Le/
ben mit aller ruhe / sicherheyt vñnd

Gesundtheit erreicht / vnnnd darnach
im das Geystlich Himlisch wesen E/
wigklich in aller volkomener Gerech/
tigkeyt vnd seligkeyt zu leben / eingesetzt
worden sein.

II.

Gene. 3.
Rom. 5.
Ephes. 2.

W Ir glauben vnd Lehren.
Nach dem der Mensch wider
Gottes Gebot gesündiget / So ist er
in Gottes Vngnad vnd Zorn gefallen/
des Heiligen Geysts / der Gerechtigkeit
vnd Seligkeyt beraubt. Dem Satan
der Sünde / Zeitlichem vnd Ewigem
Tode vnd verdammnis verpflichtet wor/
den.

III.

Gen. 3.
Gen. 12.
2. Reg. 7.
Esa. 7. 53.

W Ir glauben vnd Lehren.
Das Gott nach dem Abfahl des
Menschen / hab auß lauter Gnad vnd
Barmherzigkeyt / je lenger je klerer den
heiligen Patriarchen / vnnnd durch die
Propheten versprochen vnd zugesagt/
er wölle seinen einigen Son / der ewig
von jme geboren / in diese welt / zu seiner
zeit

zeit schicken/ Das er von einer Jungfrawen warer Mensch geboren werde/ die Sünde des Menschen / mit seinem Leiden vnd Todt büsse / Gottes zorn versöhne / den Sathan vnd den Todt vberwünde/ Vnd den Menschen widerumb / alle vorhin verlorne Gerechtigkeit vñ Seligkeyt bey Got erlange. Mich. 5.

Wir glauben vnd Lehren. III.

Das alle die/so vor der ankunfft des Sons in diese welt / obgemelter Göttlicher zusagung geglaubet / widerumb zu Gottes Gnaden angenommen / vnd von wegen des Sons Gottes/ an dē sie geglaubet/ die verzeihung der Sünden empfangen/ mit dem Heiligen Geyst begabet / vñnd zu erben der ewigen Gerechtigkeit vnd Seligkeyt gemacht worden sein. Iohan. 8.
Luc. 10.
I. Cor. 10.
Heb. 11.

Wir glauben vnd Lehren. V.

Das Ihesus Christus warer ewiger Gottes Son / vñ gleicher Gott
A iij mit

Acto. 2.
Roma. I.
Gal. 4.

mit seinem Vater / sey zu seiner zeyt wa-
rer Mensch von der Junckfrawen Ma-
ria / als er zuvor in ihr auß dem Heilis-
gen Geyst empfangen / in diese welt ge-
boren / vnd hab alle Menschliche ges-
brechen / außserhalb der Sünden / an
sich genomē. Auch alles mit seiner lehr-
Wunderwercken / Leiden / Sterben /
Aufferstentnus von den Todten / Him-
melfart / schickung des Heiligen Geists /
ausbreitung seines Euangelions / in
die ganze Welt / vnd versamlung sei-
ner Kirchen / beyd auß Juden vnd Hei-
den / durch die Predigt seines Euang-
gelions außgericht vnd volbracht / al-
ler ding / wie es zuvor den heiligen Pa-
triarchen verheissen / vnd durch die
Propheten verkündigt vnd erkleret
worden ist.

VI.

Wir glauben vnd Lehren.
Das Ihesus Christus waree
Gott vnd Mensch / hab mit seinem Lei-
den vñ Sterben verdient / das der him-
lische

lische Vater / alle so an in gleuben / zu
Gnaden annehme / verzeihe inen ire
Sünd / vnd schencke inen allen Gehor-
sam / Frömbkeit / vnd Gerechtigkeit /
die sein Son Ihesus Christus gethan / Psal. 31.
Roma. 4.
Vnd damit er den willen seines Vat-
ters / vnd das Göttliche Gesetz vol-
kömlich erfüllet hat / Also / das welcher
in Ihesum Christum glaubt / sich des Rom. 8, 10.
gehorsams vnd der Gerechtigkeit Chri-
sti / in anfechtung der Sünden / Todt
vnd Hell / vor dem Gericht Gottes nit
anders annehmen vnd vertrösten soll /
Dann als / so er selbs Gottes Gebot Gla. 2.
vñ allen willen Gottes volbracht hat.

WIR halten auch das **S. VII.**
Paulus / da er zu den Römern
im ersten Capitel sagt / Das im Euang-
gelio die Gerechtigkeit so für **GOTT**
gilt / geoffenbaret werde / ꝛc. Vnd im
dritten Capitel / Die Gerechtigkeit die
für Gott gilt / werd an zuthun des Ge-
setzes geoffenbaret. Vnd hernach / Der
Mensch

Mensch werde gerecht/on des Gesetzes
es werck/allein durch den Glauben/rc.
zuerstehen sey/nicht von der Wesent/
lichen Gerechtigkeit Gottes/die Gott
selbs ist/Sonder von der Verzeihung
der Sünden/vnd von dem Gehorsam
vñ Gerechtigkeit Christi/mit welcher
er das Gesetz vñ Gottes willen genug
gethan/Welche auch Gott/so wie an
Christum glauben/vns zurechnet/das
wir vns der selbē/als vnsers von Gott
geschendten eigenthumbs/vor Gottes
Gericht/vertrösten sollen.

VIII.

Ir glauben vnd Lehren.
Das **J H E S U S** Christus
vns durch sein Leiden vnd Sterben
verdienet hab/nicht allein/das Gott
vns zu Gnaden auffnehme/vnd ver/
zeihe vns vnser Sünde/von wegen
des gehorsams seines Sons Christi/
Sonder das er auch sampt seinem So/
ne vnd heiligen Geist/in vns warhaff
tig wone/vñ neme vns an/an eins kin/
des

tigkeyt / schreibet der heilige Paulus /
da er sagt Roma. 8. Sind wir kinder /
so sind wir auch Erben / ja erben Got-
tes / vnd miterben Christi / Seind wir
nun erben Gottes / so seind wir auch ge-
wislich erben seiner Göttlichen / Ewi-
gen Gerechtigkeit / die wir alhie inn
hoffnung / vñ anfang der ernewerung
vnser gemüts / dort aber volckömlich
besitzen / vnd empfinden werden. Vnd
Roma. 8. abermals / Er hat vns mit
seinem Sone alles geschendct / so folgt
gewislich darauf / Das / gleich wie er
vns sich selbs / sein ewig Leben vñ Sel-
ligkeit / Also auch / seine Gerechtigkeit
geschendct habe.

Vnd am 2. Petri 1. Es ist vns ge-
schendct worden / das wir der Gött-
lichen Natur theilhaftig werden. So
wir nun der Göttlichen Natur theyl-
haftig worden sind / so haben wir vn-
seren theyl / nicht allein an der Verzey-
hung der Sünden / sondern auch / an d
Göttlichen ewigen Gerechtigkeit / das
also Gott alles in allem sey / Wie sonst
Pau /

Paulus 1. Cor. 15. Cap. schreibet.

Das ist vnser Glaub/ Bekandnuß
vnd Lehre / von der Rechtfertigung
des Menschen / Dann also gleubt vnd
lehret die recht/Heilig/ Christliche Kir-
che / wie sie von dem Heyligen Geyst/
auf der heiligen Prophetischen vnd A-
postolischen Schrift berichtet. Wie
auch solchs in beyde Confession der Aug-
spurgischen/vñ vnser Gnedigen Für-
sten vnd HErren Hertzogen Chris-
toffs/ 2c. erkläret ist.

Den Allmechtigen Gott vnd Va-
ter vnser lieben HErrn Ihesu Christi
bittende/ er wölle vns in solchem war-
haftigem Glauben erhalten vnd be-
waren.

E. f. D.

Untertänige vnd gehor-
same/hie vnterschriebene
Theologi vnd Pastores
Ecclesiae.

B ij

Ioannes Brentius.

Mattheus Aulberus, Doctor & Ecclesiastes
Studgardianus.

Iacobus Beurlein, Doctor & Professor The
ologiae, in Academia Tubingensi.

Iacobus Herbrandus, Doctor & Pastor Ec
clesiae Herrenbergensis.

Martinus Frechtus, Theologiae Licentia=
tus, & Professor Tubingiae.

Ioannes Isemannus, Pastor Ecclesiae Tubin=
gensis.

M. Caspar Greterus, Concionator Aulicus.

Valentinus Vannius, Pastor Ecclesiae con=
statt.

Iacobus Andreae, Pastor Ecclesiae Goppin=
gensis.

Iacobus Engelman, Concionator Aulicus.

Andreas Cellarius, Pastor Ecclesiae wildpre=
gensis.

Ioannes Othmar Meglander, Pastor Eccle=
siae Nurthingensis.

DECLARA= TION.

Der Erzhertog
licher Hochgebör-
tiger Fürst / Gnediger
Herz / K. S. G. hat gnediglich an vns
begeret / nach dem sich inn der Preu-
sischen Osiandrischen sache / allerley vns
richtigkeit zutragen wöll / Vnd wir
vns bisher keines Iuditium, vber beyder
Partey scripta vnderfangen / Sonder
allein glimpff / wege vnd Mittel zur
Christlichen einigkeit gesucht. So sol-
len gegen K. S. G. wir vns dermassen
Declariren, das darauß vernomen möcht
werden / woran hierin der Hauptstrit
hange / vnd worin der Parteyen rechte
oder mangelhaffte meinung erscheine.

Hierauff wöllen K. S. G. wir in
vnterthenigkeyt nicht verhalten / Das

B ij wir

wir des handels halb / an ihm selbs /
so viel wir dessen zu dieser zeyt nach ver-
stehen / biß her kein schew tragen het-
ten / vnserere weitlenfftige erklerung zu-
thun.

Dieweyl wir aber vns zuuor inn
dieser sache sonst mit niemands haben
anders eingelassen / Dann was K. S.
G. wir auß derselben Beuehl / vnd
auff beger des Durchleuchtigsten Hoch-
gebornen Fürsten vnd Herrn / Herren
Albrechten des Eltern / Marggraffen
zu Brandenburg / in Preussen / zu Ste-
tin / Pomern / der Cassuben vnd Wen-
den Hertzogen / Burggraffen zu Nürn-
berg vnd Fürsten zu Rugen /c. vnseres
gnedigsten Fürsten vnd Herrn / geschri-
ben / So hat vns vnseres bedenkens
nicht wol gebüren wöllen / allein mit
einer Parthey sonderliche handlung / on
vorwissen / zu pflegen. Nach dem auch
vnserere vorige schrift / so wir Christ-
licher meinung zur vorbereitung des
fridlichen vertrags gestellt / von etliche
gang

gantz vnfreundlich angetastet vnd ge-
deutet worden sein. Haben wir die vor-
sorg tragen müssen / es möchte vnser
Declaration auch mißgebraucht / vnd zu
erweckung grösserer vnruhe gezogen
werden.

So will vns beduncken / ye len-
ger ye merer mit Amphibologijs & equi-
uocationibus dermassen verwirret / vnd
durch einander gemenget werde / das
nicht verstendlich vnd Cathegorice da-
von on vnterschied zureden oder zu-
schreiben sey. Jedoch wollen gegen E.
f. G. wir gehorsamlich mit Gottes
hülff versuchen / ob wir von dieser ver-
wirten sachen / ein dentlichen versten-
digen bericht geben möchten.

Wir wollen aber jetzt vmbgehen /
was der nebenhendel sein / so entweder
der heubtsache nit / od gar wenig zuge-
hören. Als vil heffiger wort / mancher-
ley frembde deutung etlicher Sprüch
der heiligen Schrift / vnd vngereimb-

te Consequencias, Sonder wöllen allein
von dem heubt Dogmate reden.

Dann Osiander hat vnser bedun-
ckens / vnd so vil wir nach seiner meyn-
nung erlanget haben / inn disem stücke
recht / Das er lehret / Gott sey allein (so
man proprie vnd eigentlich von der Ge-
rechtigkeit reden will) die rechte ewig
wesentlich Gerechtigkeit / von dem alle
Gerechtigkeit herkumpt / wie auch
Gott allein die rechte ewige Weisheit /
Stercke / Leben vnd Seligkeit ist.

So lehret er auch darinn nicht vn-
recht (haben wir anders seine meinung
recht verstanden) das vnser **I H X X**
Ihesus Christus hab mit seinem Lei-
den vnd Tod verdienet / das Gott mit
vns versönet / selbs in vns durch den
Glauben wone / sich sambt allen seinen
gütern vns zum ewigen Erbteyl schens-
cke / Vñ dennoch gleich wie sein Leben /
Weisheit vnd Seligkeit vnser ist / Al-
so ist auch sein Gerechtigkeit vnser.

Aber

Aber darinn thut Osiander vnfers
bedunckens der sachen zuvil / das er die
schriffte des heiligen Apostels Pauli / zu
den Römern / Vnd fürnemlich / die wort
Iustitia Dei & Iustificari, In dem ersten
vnd dritten Cap. anders deutet / dann
die Heubtsache der Disputation Pauli
auff im tregt. Vnd will mit denselben
Sprüchen vund dergleichen sein mei-
nung bestetigen.

Dañ wiewol die oberzelte meinung
von der ewigen Gerechtigkeit Gottes
recht ist / So ist es doch vnfers ver-
standts nicht recht / das Osiander die-
selb meinung mit den gemelten Sprü-
chen Pauli / vund mit ander deutung
der wort Pauli Confirmiren will.

Aber des Osianders Widerpart
hat in disem recht / das sie vhest helt ob
dem rechten verstand der wörter vund
Sprüchen Pauli / Roma. 1. vund 3.
Iustitia Dei & Iustificari. Dañ Iustitia Dei,
heißt an den bemeltē orten Pauli / nicht
C die

die Wesentliche Gerechtigkeit Gottes/
Sonder die Gerechtigkeit die vor Got
gilt (das ist) die verzeyhung der sün/
de/die der H I E X X Christus mit sei/
nem gehorsam erworben hat. Vnd
Iustificari, heist dasebst nicht wesentlich
gerecht werden/Sonder von den sün/
den Absoluiert vnd ledig gezelet/ auch
für gerecht/von wegen des gehorsams
Christi/für Gott gehalten werden.

Sie haben auch darinn recht/das
die Gerechtigkeit (das ist) der gehor/
sam Christi vnser ist/Vlemlich in disem
verstand/das Christus mit seinem ge/
horsam/vns die ewige Gerechtigkeit
vnd Seligkeit Gottes verdienet hab.
Vnd sollen wir vns dieses gehorsams
Christi, als der allen willen Gottes des
Vaters volkômlich erfüllet hat/ in al/
ler vnser not vertrösten.

Aber darinn thun sie der sache vns
fers bedunckens zunil/das sie des Vsi/
andri meinung von der Wesentlichen
Gerech/

Gerechtigkeit Gottes/nicht allein von
den Sprüchen Pauli absondern (darin
sie dann recht haben) Sonder wollen
auch solche Gerechtigkeit Gottes In
Iustificacione peccatoris, an irem gebüren/
den orte/sein raum nicht lassen haben.

So man nun sagt/der Mensch würd
gerecht durch die Wesentliche Gerech/
tigkeit Gottes/die Gott selbs ist/so ist
es alles gelegen an dem verstandt dises
worts (Gerecht werden) Dann wann
es verstanden wird nach der Gerechtig
keit so vnser Himlisch Erbteil ist/die
wir auch ewiglich haben vnd geniessen
werden/vnd die vns Christus mit sei/
nem gehorsam verdienet hat/so ist es
war/das wir allein durch die Wesent/
liche Gerechtigkeit Gottes/hie auff er/
den spe primitijs & inchoatione, dort inn
jenem leben re decimis & perfectione ge/
recht werden.

Wann man aber das wort/Gerecht
werden/verstehen will/nach der Lehr
Pauli zum Römern/für die verzeihung

der sünden/die wir durch den Glauben
an Christum haben/so ist es nicht recht
geredt/das wir gerecht werden durch
die Wesentliche Gerechtigkeit Gottes/
Sonder wir werden Gerecht (das ist)
wir empfangen die verzeihung der sün-
den durch den gehorsam Christi/durch
das Leiden vñ Tod Christi. Dañ nicht
die Wesentliche Gerechtigkeit Gottes/
sonder Christus Jesus warer Gott vñ
Mensch ist für vnser sünde gestorben.
Vnd auff diesem verstand / würde die
Lehre Pauli zum Römern/vnd dergleis-
chen locis von den widersachern Qsian-
dri/recht vnd Christlich verteidigt.

Also hat Ihesus Christus vnser lie-
ber Herr vnd Heilandt / warer Gott
vñ Mensch in einer person/nach beiden
Naturen sein vnterschiedliche Wirkung
In Iustificatione peccatoris. Nemlich das
Christus nach Menschlicher Natur/
doch in einiger Person mit GOTT/
den Tod für vnser sünde gelitten/vns
mit dem Vater versönet/vnd vns er-
wor-

worben / das wir / so an in glauben / ha-
ben von seiner wegen verzeihung der
sünden / Vnd das sein Gerechtigkeit vñ
sein gehorsam vns für Gott zugerech-
net werde / das auch der War ewig
Gott Vater / Son vnd heiliger Geist
in vns wone / vñ mache vns seiner ewi-
gen Gerechtigkeit vnd Seligkeit teyl-
haftig.

Vnd kürzlich / vnser Herz Ihesus
Christus / hat vns mit seinem gehor-
sam / Leiden vnd Sterben / fürnemlich
zwo gutthaten bey seinem Himlischen
Vater verdienet vnd erlanget. Die eine
ist die verzeihung der sünden. Die an-
der ist das Ewig leben. So nu einer
die Verzeihung der sünden / durch den
Glauben empfähet / Als dann wird er
auff folgenden verstand gerecht / Das
vnangesehe ober wol noch an im selbst
ungerecht ist / seine ungerechtigkeit ime
nicht zugemessen / Sondern er wird
von wegen des gehorsams Christi ge-
recht (das ist) der Ungerechtigkeyt le-
dig vñ los für Gottes Gericht gezelet.

Wie des Osianders Widerpart helt/
vnd auch ein rechte Christliche mei-
nung ist.

So man aber das ewig leben durch
den Glauben empfähet/ Als dan wird
man auff folgenden verstandt gerecht/
Das Gott selbs/der da ist das ewig le-
ben/in den glaubigen wone/vnd schen-
cke jm zu einem Erbteil/sein ewige Ge-
rechtigkeit vñ Seligkeit. Also/ das die
selbe hie auff erden im Glauben anfahet
ire Wirkung zuhaben/ Nemlich/ das
die geschenckte Gerechtigkeit/ führe den
glaubigen in den gehorsam Gottes Ge-
bot/xc. vnd die verhoffte Seligkeit/
tröste den glaubigen in aller bekümmer-
nuß vnd widerwertigkeit.

Das ist Gnedigster Fürst vnd Herz/
vnser einfeltig vnterthenig erklaren/ so
vil wir dises handels zu dieser zeit ver-
stehen/ Haben auch E. S. G. dieses
stückes dester vntertheniger vnd klerer
berichten wöllen/ Das wir hiemit der
Calumnien begegnen so aufgegeben
wird/

wird / (wie wir bericht) Es wölle von
etlichen in E. F. G. land / Humanitas
Christi verleugnet werden.

Wollen hierauff vns / so viel diser
Erklerung belangt / inn kein bitter ge/
zendt mit jemandts einlassen / Sonder
mögen ganz wol leyden / das es andere
besser machen / Haben wir beider Par/
theyen meinung recht erlanget / So
danken wir vnserm **HERRN** Gott.
Haben wir aber dieselbigen nicht recht
erlanget / So wissen wir dannoch
durch Gottes gnad / das vnserer meynung
recht vnd Christlich ist.

Den Herren bittende / Er wölle
vns bey der Keinen einfeltigen Lehre
des heiligen Euangelions Christi / von
der Rechtfertigung des Menschen / vñ
von allen andern Artickeln vnserer Re/
ligion / Wie es die heilige Schrifft vnd
fürnemlich S. Paulus / auch vnserer
Preceptores, D. Doctor Lutherus vnd Phi
lippus, vor diesem zand / vermag Got/
tes Wort / verkleret haben / gnediglich
erhalten. Wöl

Wollen E. f. G. vns hiemit vn-
tertheniglich benolhen haben / Actum
Tubingæ, die XXX. Januarij, Anno 53.

E. f. G.

Unterthenige vnd ge-
horsame / inn dieser
sachen versamlete
Theologen.

